



Na osnovu člana 55. stav (2) Poslovnika Predstavničkog doma Parlamentarne skupštine BiH ("Službeni glasnik BiH", broj 79/14) i člana 45. stav (2) Poslovnika Doma naroda Parlamentarne skupštine BiH ("Službeni glasnik BiH", broj 58/14), Parlamentarna skupština Bosne i Hercegovine na 12. sjednici Predstavničkog doma, održanoj 28. maja 2015. godine, i na 7. sjednici Doma naroda, održanoj 15. jula 2015. godine, donosi

ZAKLJUČAK

o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje generalnog revizora i zamjenika generalnog revizora Ureda za reviziju institucija Bosne i Hercegovine

Član 1.

Osniva se Privremena zajednička komisija oba doma Parlamentarne skupštine BiH za provođenje procedure za imenovanje generalnog revizora i zamjenika generalnog revizora Ureda za reviziju institucija Bosne i Hercegovine.

Član 2.

U Privremenu zajedničku komisiju iz člana 1. ovog zaključka iz Predstavničkog doma imenuju se poslanici:

1. Damir Bećirović,
2. Predrag Kožul i
3. Jovan Vukovljak.

Iz Doma naroda imenuju se delegati:

1. Bariša Čolak,
2. Darko Babalj i
3. Fahrudin Radončić.

Član 3.

Zadatak Privremene komisije je da provede proceduru oglašavanja za imenovanje generalnog revizora i zamjenika generalnog revizora Ureda za reviziju institucija Bosne i Hercegovine i domovima predloži kandidate za imenovanje generalnog revizora i zamjenika generalnog revizora Ureda za reviziju institucija Bosne i Hercegovine.

Član 4.

Ovaj zaključak stupa na snagu kad ga u identičnom tekstu usvoje oba doma Parlamentarne skupštine BiH, a bit će objavljen u "Službenom glasniku BiH".

Broj: 01,02-34-1-538/15
15. jula 2015. godine
Sarajevo

Predsjedavajući
Predstavničkog doma
Parlamentarne skupštine BiH

Šefik Džaferović

Predsjedavajući
Doma naroda
Parlamentarne skupštine BiH

Bariša Čolak